

S2. Siusinaartumik sulisinnaajunnaarnersiutisiaqarneq

S2.1 Siusinaartumik sulisinnaajunnaarnersiutisiaqarnissamut qinnuteqarneq

S2. Siusinaartumik sulisinnaajunnaarnersiutisiaqarneq

S2.1 Siusinaartumik sulisinnaajunnaarnersiutisiaqarnissamut qinnuteqarneq

SIUSINAARTUMIK SULISINNAAJUNNAARNERSIUTISIAQARNISSAMUT QINNUTEQARNEQ

SIUSINAARTUMIK SULISINNAAJUNNAARNERSIUTISIAQARNERUP NALILERSOQINNEQARNERA

PIGINNAANNGORSAREERNERUP KINGORNA SULISINNAASSUTSIP NALILERSORNEQARNERA



Allaaserinera

1. Innuttaasoq taassumalluunniit nakkutiginnittuata siusinaartumik sulisinnaajunnaarnersiutisiaqarnissamut qinnuteqarpoq.¹
2. Innuttaasunik kiffartuussivik/saaffiginnittarfik Sulianik ingerlatsisup oqaloqatiginissaanut piffissamik tunisissapput Sulianik ingerlatsisup ullorsiutai naapertorlugit. Ataatsimiinnissamut isumaqatigiisummi allanneqassaaq innuttaasup epr-normua, telefoniata normua emaileqarpallu emailia.
 - 2.a. Sulianik ingerlatsisup ataatsimeeqateqarnissaa akuerissavaa.
3. Innuttaasoq piffissaliussaq eqqorlugu takkupperoq Sulianik ingerlatsisumik oqaloqateqariartorluni.
4. Innuttaasoq Sulianillu ingerlatsisup innuttaasup atugai pillugit eqqartuissapput, marluullutillu siusinaartumik sulisinnaajunnaarnersiutisiaqalernissamut qinnuteqaat immersorlugu. Oqaloqatigeereernerup kingorna Sulianik ingerlatsisup innuttaasunik kiffartuussivik/saaffiginnittarfik qinnuigissavaa takusutissanik pisariaqartunik pissarsiniaqqullugu. Suliamik ingerlatsisup takusutissanut pisariaqartitanik piniarnermi immersugassaq immersoreerpaa.
 - 4.a. Sulianik ingerlatsisup innuttaasoq qinnuigissavaa akuersaarnermut uppersarsaat sulianik ingerlanneqarnerani atugassaq immersoqqullugu.
 - 4.b. Allattugaatit: Allanneqassapput, ulloq ataatsimiiffik, qinnuteqaat immersorneqarpoq, akuersaarnermut uppersarsaat atsiorneqarpoq.
5. Innuttaasunik kiffartuussiviup/saaffiginnittarfup takusutissat pisariaqartut Sulianik ingerlatsisup allattorsimasai pissarsiarissavaat. Taassumalu ataani aamma misissorneqassaaq nakorsamut oqaaseqaat pigineqarnersoq.
6. Suliamut tunngasut Sulianik ingerlatsisumut tunniunneqassapput. Sulianik ingerlatsisup §§1-3 aamma §5-imi piumasaqaataasut eqquutsinneqarnermut qulakkiissavaa.
 - 6.a. Allattugaatit: Allanneqassapput takusutissat sorliit tiguneqarnermut, kiisalu ulloq suna.
7. Piumasaqaatit EQUUTSINNEQARPATA innuttaasoq ullulerlugu ataatsimiigiquneqassaaq. Ataatsimiigiqusissummi ilaassapput inatsisitigut toqqamavigisat pillugit paasissutissat, aammalu siusinaartumik sulisinnaajunnaarnersiutisiaqalernissamut qinnuteqaatip suliarineqarnissaanut paasissutissat. Allakkamissaaq ilaassaaq nakorsap oqaaseqaataanik pissarsinissaq siunertaralugu peqqinnissaqarfik piffissamik piniarfigineqarsimasoq, innuttaasorlu naparsimavimmut saaffiginnissasoq oqaaseqaammik pissarsinissaq siunertaralugu.
 - 7.a. Allattugaatit: Allakkap kopiia toqqorneqassaaq.
8. Piumasaqaatit EQUUTSINNEQANNGIPPATA innuttaasumut allagaq itigartitsissut suliarineqassaaq, ilanngullugu Isumaginninnermi Naammagittaalliuqartarfimmuut naammagittaallionissamut ilitsersuut. Suliaq naammassineqarpoq.
 - 8.a. Allattugaatit: Allanneqassaaq itigartitsissut nas-siunneqartoq inatsisitigut toqqammavik, pissutaasoq naammagittaallionissamut ilitsersuut ilanngullugit.
9. Innuttaasip itigartitsissut tiguaa.
10. Sulianik ingerlatsisup nakorsap oqaaseqaataanik piniarnermut inniminniissut suliarissavaa innuttaasup epr-normuanut atasumik. Akiligassiinissamut ilitsersuut inniminniissummi atuarneqarsinnaavoq. Kopiia innuttaasumut nassiunneqassaaq. (takuuk imm. 11.a.)
 - 10.a. Allattugaatit: Nakorsamut allakkat kopiia toqqorneqassaaq.
 - 10.b. Nakorsap innuttaasoq epr-normukku kinaassu-sersineqarsinnaasoq pillugu oqaaseqaasiornissamut inniminniissut tiguaa.
11. Piumasaqaatit EQUUTSINNEQARPATA innuttaasoq pisussat pillugit paasissutissiinissamut aggersarneqassaaq. Allakkanut ilaassapput malittarisassat atuuttut pillugit paasissutissat, taassumalu ataani sulisinnaassutsip nalilersorneqarnissaa, inatsisit toqqammavimusut suliallu ingerlanneqarnissaanut paasissutissat.
 - 11.a. Innuttaasup nakorsamut allagaqaatip kopiia tiguaa.
 - 11.b. Innuttaasoq piffissaliussaq sioqqullugu nakorsamukassaaq. (Nakorsamut isernissamut utaqqis-ariaqarpat, utaqqinerup nalaani paasiniaaneq aallartereerneqarsinnaavoq. Taamaattorli eqqumaf-figineqassaaq innuttaasoq piffissaq tunniunneqartoq aalajangersimasoq naapertorlugu aggermat.)
12. Innuttaasoq nakorsiarpoq oqaaseqaammik pissarsinissani siunertaralugu.
13. Immersugassaq siusinaartumik sulisinnaajunnaarnersiutisiaqarnissamut qinnuteqaammut atasooq naapertorlugu nakorsap oqaaseqaat suliarissavaa, Sulianillu ingerlatsisumut nassiullugu.
14. Sulianik ingerlatsisup nakorsap oqaaseqaataa tiguaa.

¹ Suliaq aamma SOC-imit aallartinneqarsinnaavoq, innuttaasoq pillugu suliaq siusinaartumik sulisinnaajunnaarnersiutisiaqalernissamut tunngavissaqarluartoq nalilerneqarpat.



- 14.a.** Allattugaatit: Nakorsap oqaaseqataata tiguneqarfiata ullua allanneqassaaq.
- 15.** Innuttaasooq suliap qanoq ingerlanissaa pillugu Sulianik ingerlatsisumik oqaloqariartorluni takkuppoq. Innuttaasooq pillugu suliap ingerlasimanera nassuiaarneqassaaq. Suliaq pillugu nassuiaassinerup siunertaraa innuttaasooq piginnaanngorsaqqaassanersoq, aamma piginnaasatigut qanoq inissisimanera paasiu-mallugu.
- SOC-ip aalajangissavaa innuttaasup sulisinnaassusia allannortinneqarsinnaanngitsumik apparsimannersoq. Piginnaanngorsaqqinnissaq ingerlanneqassanngilaq erseqqippat innuttaasooq sulisinnaassuseqanngitsooq, aammalu pitsanngornissaa ilimanarani, § 9 imm. 2 naapertorlugu.*
- Suliat ingerlanissaata paasiniarneratigut malunnarsippat innuttaasup piginnaanngorsaqqinnissaq sapissagaa, aamma/imalt. erseqqippat sulisinnaassuseqanngitsooq pitsanngoriarnissaalu ilimanarani, taava innuttaasooq piginnaanngorsarneqassanngilaq. Innuttaasooq siusinaartumik sulisinnaajunnaarnersiutisiaqartinneqassaaq (aningaasartai annerpaat), taassumalu qaavatigut aamma tapeqartinnissaa naatsorsorneqassaaq.*
- 15.a.** Allattugaatit: Allanneqassaaq, ulloq ataatsimiif-fik, maannakkumullu innuttaasup piginnaasatigut inissisimaneranut paasissutissat.
- Atornerluinermut katsorsarneqarnissaq pisariaqarpat, suliap killiffia 16-imiit 23-mut ingerlaqqissaatit.**
- Katsorsarneqarnissaq pisariaqanngippat suliap killiffianut 24-mut ingerlaqqissaatit.**
- Innuttaasooq sulisinnaassuseqanngippat, siusinaartumik sulisinnaajunnaarnersiutisiaqalernissaq akverineqassaaq, suliap killiffianut 29-mut ingerlaqqigut.**
- 16.** Atornerluippat imaluunniit atornerluisuunera ilimanarpat Sulianik ingerlatsisup innuttaasup katsorsartinnissaanut periarfissat misissussava.
- Innuttaasooq atornerluisuunersoq misissorneqassaaq piginnaanngorsarnissa aallartinninnerani.
- Atornerluinermut katsorsartinnissaq pisariaqarpat katsorsaasumut innersuussummik suliaqartoqassaaq, katsorsaavimmullu nassiunneqarluni. Suliamik ingerlatsineq unitsinneqarallassaaq katsorsartereernissap tungaanut.
- Immikkut naliliisoqarneratigut innuttaasooq katsorsartinnermi saniatigut piginnaanngorsarnermik ingerlatsisinnaavoq. Piginnaasatigut qanoq inissisimanera innuttaasooq peqatigalugu nalilersorneqartassaaq.
- 16.a.** Allattugaatit: Allanneqassaaq innuttaasup katsorsartinnissani kissaatigigaa, aammalu katsorsaavimmuut innersuussummik suliaqartoqareersoq.
- 17.** Katsorsaaviup innuttaasup katsorsartinnissaanut innersuussut tiguaa.
- 18.** Katsorsaavik allakkiussaaq innuttaasup katsorsartil-luni aallartinnissaa ullulerlugu. Taassumalu ataani sap.akunnerini qassini ingerlassanersoq qanorlu akeqassanersoq. Allakkat Sulianik ingerlatsisumut nassiunneqassapput.
- 19.** Katsorsartinnissap ingerlanissaanut akissaanullu allakkat Sulianik ingerlatsisumit tiguneqarput.
- 19.a.** Allattugaatit: Allanneqassaaq katsorsaaviup nassuiaataa tiguneqartoq (innuttaasooq peqatigalugu suliaq), katsorsaanissamut neqeroorut, sumiiffissaa aamma qaqugu allartinnissaq, qanorlu sivisutigini-saa, kiisalu akia tiguneqartut.
- 20.** Sulianik ingerlatsisup innuttaasooq oqaloqatigiumal-lugu aggersassavaa.
- 20.a.** Allattugaatit: Katsorsaavimmit innuttaasumut allakkat kopiivi toqqorneqassapput.
- 21.** Innuttaasup aggeqqusissut tiguaa.
- 22.** Innuttaasooq takkuppoq katsorsartinnissani ulloq suna aallartissanersoq paasiniarlugu.
- 22.a.** Allattugaatit: Innuttaasup katsorsartilluni aallartiffissaa naammassiffissaalu allanneqassapput, kiisalu qanoq ingerlanersoq malinnaaffiginiarlugu Sulianik ingerlatsisorlu oqaloqatigiittarfissaasa piffis-salerneru.
- 23.** Innuttaasup katsorsartinnera aallartissaaq.
- 24.** Sulianik sullissisup innuttaasooq pillugu suliap takusutissartai SAS-imi (Tværfagligt samarbejdsudvalg – Suliat akimorlugit suleqatigiissitaliaq) nalilersugas-sanngorlugit oqaaseqarfigisassanngorlugillu tunni-utissavaat, innuttaasooq piginnaanngorsaqqaassanersoq isummerfigisassanngorlugu.
- 24.a.** Allattugaatit: Allanneqassaaq SAS-imut qinnuteqaat nassiunneqartoq. SAS-imi ataatsimiinnissap ullulerneru allanneqassaaq innuttaasumullu kopiia nassiullugu.
- 24.b.** Sulianik ingerlatsisup innuttaasooq paasissutis-sissavaa suliaq maannakkut SAS-imi suliarineqartoq.
- 25.** SAS-imit oqaaseqaat takkuppoq. Oqaaseqaat SOC-imut utertinneqassaaq.

26. Sulianik ingerlatsisup SAS-imit oqaaseqaat tiguua, inassuteqaammullu ilanngullugu kommunalbestyrelsimut/Isumaginninnermut ataatsimiititaliamut aalajangiiffigisassanngorlugu ingerlateqqillugu.

26.a. Allattugaatit: Oqaaseqaat toqqortaatinut allanneqassaaq, ilanngullugulu nalunaarlugu aalajangiiffigisassanngorlugu kommunalbestyrelsimut/Isumaginninnermut ataatsimiititaliamut ingerlateqqinneqartoq.

27. Kommunalbestyrelsip/Isumaginninnermut ataatsimiititaliap suliaq aalajangiiffigaa.

28. Sulianik ingerlatsisup kommunalbestyrelsip/Isumaginninnermut ataatsimiititaliap suliaq ingerlateqqitassanngorlugu aalajangiiffigisaa tiguua.

28.a. Allattugaatit: Isumaginninnermut ataatsimiititaliap aalajangiinera ullualu allanneqassapput. Ilanngunneqassaaq innuttaasumut kommunalbestyrelsip/Isumaginninnermut ataatsimiititaliap aalajangiinera pillugu ilisimatitsissut nassiunneqarsimasooq, aamma Sulianik ingerlatsisup innuttaasullu ataatsimeeqqinnissaannut ulluliussaaq nutaaq allanneqassaaq. Aalajangiinerup kopia toqqortaatinut ilineqassaaq.

29. Sulianik ingerlatsisup aalajangiineq pillugu innuttaasumut ilisimatitsissut suliarissavaa. Aalajangiineq qanoq ikkaluarpalluunniit innuttaasumik oqaloqateqarnissamut nutaamik ulluliisoqassaaq.

Sulisinnaanerup iluarsineqarsinnaanngitsumik apparsimaneranik aalajangiisoqarpat naatsorsuinissaaq eqqarsaatigalugu paasissutissat pisariaqartitat ilisimatitsissutigineqassapput, soorlu isertitanut aningaaserivimmullu tunngasut. (Suliap killiffianut 30-mut ingerlaqqigit.)

29.a. Kommunalbestyrelsip/Isumaginninnermut ataatsimiititaliap aalajangerpagu innuttaasup sulisinnaanera pitsanngortinneqarsinnaasoq, suliaq Majorissamut ingerlateqqinneqassaaq. Isumaginninnermi Naammagittaalliuteqartarfimmuut naammagittaalliornissamut periarfissat ilanngullugit paasissutissiissutigineqassapput. (Suliap killiffianut 33-mut ingerlaqqigit.)

Sulisinnaaneq iluarsineqarsinnaanngitsumik apparsimappat

30. Innuttaasup ataatsimeeqatiginerani siusinaartumik sulisinnaajunnaarnersiutisiaq ilassutissaallu naatsorsorneqassapput, aammattaaq aapparisaq isertitaanut takussutissat meeraqarsimappallu meeqqanut tunngasut. Tamakku naatsorsuinermi atorneqassapput.

30.a. Allattugaatit: Aningaasat akilerneqartartussat allanneqassapput, ulloq siusinaartumik sulisinnaajunnaarnersiutisiaq aallartiffissat ilanngullugu.

31. Sulianik ingerlatsisup aningaasat tunniunneqartut pillugit allakkiussaaq, innuttaasumullu nassiullugu. Naammagittaalliornissamut periarfissanut paasissutissat ilanngunneqassapput.

31.a. Innuttaasumut allakkanut ilanngunneqassapput Isumaginninnermi Naammagittaalliuteqartarfimmuut naammagittaalliornissamut periarfissat.

31.b. Majoriaq ilisimatinneqassaaq.

31.c. Allattugaatit: Innuttaasumut allakkap kopia toqqortaatinut ilineqassaaq.

32. Innuttaasup aningaasat tunniunneqartut pillugit allakkiq naammagittaalliornissamut suliareqqitassanngortitsinermullu periarfissat pillugit paasissutissat tiguai.

Sulisinnaanerup apparsimanera pitsanngorsinnaappat

33. Innuttaasooq aalajangiisimaneq pillugu ataatsimiigiarpoq, illuatungeriillu tusarniaavigineqarneranni periuseq pillugu ilisimatinneqarluni. Innuttaasup atugai pillugit paasiniaanerup takutippagu innuttaasup piginnaanngorsarneq ingerlassinnaagaa, taava piginnaanngorsarluni innuttaasooq aallartissaaq. Suliaq taava Majoriami suleqatigiiffimmuut ingerlateqqinneqassaaq, innuttaasorlu tamatumingaa ilisimatinneqarluni.

34. Suliamut tunngasut piareersarneqassapput Majoriami suleqatigiiffimmuut tunniunneqarnissaminut.

34.a. Allattugaatit: Allanneqassaaq suliaq Majorissamut ingerlateqqinneqartoq.

35. Majoriami suliamut tunngasut tiguneqarput, suleqatigiiffimmi suliareqqinneqartussat.

S2. Siusinaartumik sulisinnaajunnaarnersiutisiaqarneq

S2.1 Siusinaartumik pensionisiaqarnissamut qinnuteqarneq

TAKUSSUTISSIAQ

SULERIAATSIT
PINEQARTUMUT
ATTUUMASSUTILLIT


S2.2 Sulisinnaas-
sutsip piginnaan-
ngorsarneq
naapertorlugu
ingerlatsereer-
nermi nalilersor-
neqarnera

A3 Piginnaan-
ngorsaqqinnissaq

S2 Pisortat ikior-
siissutaat

Aamma atuakkit

”Suleriaatsimut
tunngasut allat”
quppernermi
tullerni.





Suliap aallaavia. Suliap ingerlanneqarnerani arlaleriarluni pisinnaavoq.



Nalinginnaasumik suliamik ingerlatitseqqinneq. Imarisaasa nalunaartarpaat suliamik nalinginnaasumik ingerlatitseqqinnermi qanoq naliliisoqassanersoq.



Immersugassaq imaluunniit kopi. Tullerit arlaqarsinnaapput, suliamik ingerlatitsineri arlariinnik tunniussisoqarpat.



Taaguut, asser-suutigalugu IT-REG. Aaqqissuussinermi suut sularineqarnerisut.




Ataatsimiinneq imaluunniit oqarasuaat.




Aalajangiineq.

MISISSUINEQ AALLARTIPPOQ









Suliap aallaavia. Suliap ingerlanneqarnerani arlaleriarluni pisinnaavoq.



Nalinginnaasumik suliamik ingerlatitseqqinneq. Imarisaasa nalunaartarpaat suliamik nalinginnaasumik ingerlatitseqqinnermi qanoq naliliisoqassanersoq.



Immersugassaq imaluunniit kopi. Tullerit arlaqarsinnaapput, suliamik ingerlatitsineri arlariinnik tunniussisoqarpat.



Taaguut, asersuutigalugu IT-REG. Aaqqissuussineri suut sularineqarnerisut.





Ataatsimiinneq imaluunniit oqarasuaat.



Aalajangiineq.

AALAJANGERNEQ (SULISINNAASSUSEQ ILUARSINEQARSINNAANGITSOQ IMALUUNNIIT PITSANNGORTINNEQARSINNAASOQ)





SULISINNAASSUSEQ PITSANNGOQQISSINNAAPPAT

33. Aalajangiineq pillugu ataatsimiinneq. Illuatungeriit tusarniaavigineri. Suliap Majoriami Suleqatigiiffimmut ingerlateqqinneqarnera

34. Suliap takussutissartai piareersarneqarput Majoriami Suleqatigiiffimmut ingerlateqqitassanngorlugit

ALLATTUGAATINUT NALUNAARSUINEQ:
34.a. Majoriami Suleqatigiiffimmut ingerlatitseqqinneq allanneqassaaq

35. Suliap takussutissartai suliareqqitassanngorlugit tunniunneqarput



Suliat ingerlanneqartarneranni pissutsit allat

Suleriaatsip ilisarnaatai	
Suleriaatsimi siunertaq suna eqquutsinneqas-sava?	Siunertaavoq suliap eqqortumik ingerlanneqarnissaa.
Malittarisassat/inatsisit/ilitsersuutit/suleriaat-sillu suliap ingerlanerani najoqqutassat	<ul style="list-style-type: none"> • Siusinaartumik sulisinnaajunnaarnersiutisiaq pillugit Inatsisartut inat-sisaat nr. 40, 9. december 2015-imeersoq • Siusinaartumik sulisinnaajunnaarnersiutisiaq pillugit Namminersor-lutik Oqartussat nalunaarutaat nr. 15, 30. juuni 2016-imeersoq. • Siusinaartumik sulisinnaajunnaarnersiutisiaqarnermut maalaaru-teqartarfik pillugu Namminersorlutik Oqartussat nalunaarutaat 2016-imeersoq. • Siusinaartumik sulisinnaajunnaarnersiutisiaq pillugit Inatsisartut peqqussutaat pillugu ilitsersuut 2016 • Oqartussaasoqarfiit assigiinngitsunik suliallit isumaginninnermi su-liassat pillugit suleqatigiinnissaannut inatsisartut peqqussutaat nr. 14, 1. november 1982-imeersoq
Aaqjissuussaanikkut immikkoortortat sule-riaatsip iluaniittut suliaassat akisussaaffiillu eqqarsaatigalugit	<ul style="list-style-type: none"> • Innuttaasunik kiffartuussivik/saaffiginnittarfik: Takusutissanik pisa-riaqartunik katersuissapput Sulianik ingerlatsisup suliamik ingerlatsi-nermi atugassaanik. • SOC – innuttaasunik sullissineq ingerlatissavaa. • SAS – Isumaginninnermi Ataatsimiititaliamut ingerlatitseqqinngin-nermi oqaaseqaasiussaaq. • Isumaginninnermi Ataatsimiititaliaq suliaq pillugu aalajangiissaaq. • Majoriaq. • Majoriami Suleqatigiiffik. • Katsorsaavik: Innersuussut tigussavaa ulluliilluni akissaanillu ne-qerooruteqarluni. • Peqqinnissaqarfimmi nakorsaq oqaaseqaasiussaaq. • Isumaginninnermi Naammagittaalliuteqartarfik.